



Broj: JN1 11-03-26-68-32/26
Sarajevo, 02.09.2026. godine

Na osnovu člana 69. stav (1), tačka b), stav (2), tačka d) i člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) i na osnovu Zapisnika o pregledu i ocjeni ponuda i preporuke Komisije za javnu nabavku broj: JN1 11-03-26-68-30/26 od 02.09.2026.godine, u postupku javne nabavke „Nabavka lož ulja za potrebe Ministarstva odbrane i Oružanih snaga Bosne i Hercegovine za 2026. godinu“, ministar odbrane Bosne i Hercegovine donosi:

O D L U K U

o poništenju postupka javne nabavke

I

Prihvata se preporuka komisije za javne nabavke o provedenom otvorenom postupku uz korištenje e-Aukcije za javnu nabavku lož ulja za potrebe Ministarstva odbrane i Oružanih snaga Bosne i Hercegovine za 2026. godinu (šifra po JRJN: 09135100-5), te se u skladu sa članom 69 stav (1) tačka b) Zakona o javnim nabavkama BiH **poništava se postupak javne nabavke.**

II

Ova odluka objavit će se na web stranici Ministarstva odbrane Bosne i Hercegovine (<http://www.mod.gov.ba>).

III

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: JN1 11-03-26-68-12/26 od 22.05.2026. godine.

Obavještenje o nabavci broj: 723-1-1-425-3-422/26 objavljeno je na Portalu javnih nabavki dana 05.06.2026. godine, a sažetak obavještenja o nabavci objavljen je u „Službenom glasniku BiH“.

Javna nabavka je sprovedena putem otvorenog postupka uz korištenje e-Aukcije. Kriterij za dodjelu ugovora je „najniža cijena“.

Predviđena finansijska sredstva za prvu godinu ugovora iznosila su:

za LOT 1	1.058.610,60 KM bez PDV-a,
za LOT 2	191.452,99 KM bez PDV-a,
za LOT 3	67.008,55 KM bez PDV-a,
za LOT 4	95.726,50 KM bez PDV-a.

Ukupan iznos nabavke za prvi ugovor po lotovima iznosi: 1.412.798,64 KM bez PDV-a, odnosno ukupna vrijednost Okvirnog sporazuma iznosi 4.238.395,89 KM bez PDV-a, odnosno 4.958.923,20 Km sa PDV-om.

Javno otvaranje ponuda izvršeno je u skladu sa članom 63. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) (u daljem tekstu: ZJN BiH) dana 21.07.2026. godine što je konstatovano Zapisnikom sa otvaranja ponuda broj: JN1 11-03-26-68-20/26.

Dostavljanje Zapisnika sa otvaranja ponuda izvršeno je prema svim učesnicima postupka nabavke putem e-maila u zakonskom roku.

U postupku javne nabavke lož ulja za potrebe Ministarstva odbrane i Oružanih snaga Bosne i Hercegovine za 2026. godinu i uz korištenje e-Aukcije, utvrđeno je da je komisija za javnu nabavku pravovremeno i pravilno izvršila otvaranje i ocjenu ponuda za Lot 1,2,3 i Lot 4, o čemu je sačinila odgovarajući Zapisnike o radu komisije i ocjeni ponuda, u kojima je utvrđeno sljedeće:

- da je ukupan broj pristiglih ponuda 7, (sedam),
- da je od toga pravovremeno zaprimljeno 7 (sedam) ponuda,
- da nije bilo nepravovremeno zaprimljenih ponuda,
- da ponuda ponuđača ČAVKUNOVIĆ-BP doo Bihać za Lot 2 nije prihvatljiva za ugovorni organ i ponuda HIFA OIL doo Tešanj ne ispunjava uslove za LOT 1,2,3,4 u pogledu ponuđenog iznosa ponude bez PDV-a

Komisija je iz daljeg nadmetanja isključila ponudu dobavljača HIFA OIL doo Tešanj zbog ponuđene veće cijene od procijenjene vrijednosti po lotovima 1,2,3 i 4 za lož ulje i to kako slijedi:

- za LOT 1 u Aneksu 3 iskazao ukupnu cijenu od 1.136.834,36 KM bez PDV-a, dok planirana i osigurana sredstva ugovornog organa za prvi pojedinačni ugovor za isti LOT iznose 1.058.610,60 KM bez PDV-a. Ponuđena cijena, prema tome, prelazi planirana i osigurana sredstva za iznos od 78.223,76 KM.
- za LOT 2 u Aneksu 3 iskazao ukupnu cijenu od 205.600,00 KM bez PDV-a, dok planirana i osigurana sredstva ugovornog organa za prvi pojedinačni ugovor za isti Sarajevo, Hamdije Kreševljakovića 98, Telefon:++387 33 286 546 Fax: ++387 33 286 697 LOT iznose 191.452,99 KM bez PDV-a. Ponuđena cijena, prema tome, prelazi planirana i osigurana sredstva za iznos od 14.147,01 KM.
- za LOT 3 u Aneksu 3 iskazao ukupnu cijenu od 71.960,00 KM bez PDV-a, dok planirana i osigurana sredstva ugovornog organa za prvi pojedinačni ugovor za isti LOT iznose 67.008,55 KM bez PDV-a. Ponuđena cijena, prema tome, prelazi planirana i osigurana sredstva za iznos od 4.951,45 KM.
- za LOT 4 u Aneksu 3 iskazao ukupnu cijenu od 102.800,00 KM bez PDV-a, dok planirana i osigurana sredstva ugovornog organa za prvi pojedinačni ugovor za isti LOT iznose 95.726,50 KM bez PDV-a. Ponuđena cijena, prema tome, prelazi planirana i osigurana sredstva za iznos od 7.073,5 KM.

Komisija konstatuje da ponuđena cijena prelazi ukupnu procijenjenu vrijednost za prvi ugovor preciziran tačkom 3.3. tenderske dokumentacije, te činjenici da ponuđena cijena za količine iz Aneksa 3, za koje je tenderskom dokumentacijom izričito navedeno da predstavljaju količine prvog pojedinačnog ugovora, prelazi planirana odnosno osigurana novčana sredstva kojima ugovorni organ raspolaže za zaključivanje tog ugovora.

Članom 2. stav (1) tačka l) Zakona o javnim nabavkama Bosne i Hercegovine propisano je da je neprihvatljiva ponuda ponuda čija cijena prelazi planirana, odnosno osigurana novčana sredstva ugovornog organa za nabavku.

Imajući u vidu navedenu zakonsku odredbu, kao i jasne i međusobno povezane odredbe Aneksa 2, Aneksa 3 i tačaka 3.3., 3.5. i 3.6. tenderske dokumentacije, Komisija je utvrdila da ponuđena cijena predstavlja neprihvatljivu ponudu u smislu člana 2. stav (1) tačka l) Zakona o javnim nabavkama Bosne i Hercegovine.

Uvidom u dostavljenu ponudu dobavljača ČAVKUNOVIĆ-BP doo Bihać Komisija je utvrdila da ponuda za LOT 2 dobavljač nije dostavio 3 treću stranu Anexa 2, niti je ista nedostajuća stranica dostavljena u kopiji za LOT 2, te ponuda nije u skladu sa Tenderskom dokumentacijom tačka 8.2. Sadržaj ponude, podtačka 8.2.1. Takođe, nije se ispunio uslov iz tačke 8.4. podtačka 8.4.1. Shodno članu 68, stav (4) pod tačkom (i) ponuda nije potpuna i ne ispunjava zahtjeve iz tenderske dokumentacije.

Komisija konstatuje da dobavljač ČAVKUNOVIĆ-BP doo Bihać ispunjava uslove za učešće na e-aukciji za LOT 3 i LOT 4.

Izvještajem o toku i završetku e-aukcije Komisija konstatuje da je dana 31.08.2026.godine u vremenu od 14.00 do 14.50 održana e-aukcija za LOT 1,2,3, a za LOT 4 a-aukcija je održana dana 01.09.2026.godine u vremenu od 09.30 do 09.40 sati.

Nakon provedene e-aukcije i dobijenih rezultata Komisija konstatuje da ponuda dobavljača koji su ispunili uslove za učešće na e-aukciji, tj. dobavljači koji su prihvatljivi za ugovoreni organ, BATO PETROL doo Doboj, HIFA PETROL doo Sarajevo, BTG doo Tomislavgrad, ALMY doo Zenica i SUPERPETROL doo Banja Luka tokom i nakon okončanja e-aukciji nisu mijenjali iznos cijena ponuda za sve lotove (LOT 1,2,3,4).

Obzirom da su dobavljači koji su učestvovali na e-aukciji imali identične (iste) cijene prije odžavanja e-aukcije, te nakon okončanja e-aukcije nisu mijenjali iznose na lotovima 1,2,3,4 Komisija imajući u vidu kriterij najniža cijena, kao i činjenicu da su čak 4 (četiri) dobavljača za LOT 2, za LOT 1 5 (pet) dobavljača, za LOT 3 i 4 6 (šest) dobavljača ostala sa potpuno identičnom najnižom konačnom cijenom, ne može objektivno izvršiti izbor najpovoljnijeg ponuđača.

S obzirom na to da je u predmetnom postupku kriterij za dodjelu ugovora najniža cijena, a da nakon provedene e-Aukcije nije moguće izvršiti izbor jednog najpovoljnijeg ponuđača, Komisija za javnu nabavku je u Zapisniku o pregledu i ocjeni ponuda broj : JN1 11-03-26-68-30/26 od 02.09.2026.godine konstatovala da nije moguće izvršiti izbor najpovoljnijeg ponuđača i dala preporuku za poništenje predmetnog postupka javne nabavke, na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), a u vezi sa Pravilnikom o uslovima i načinu korištenja e-Aukcije („Službeni glasnik BiH“, broj 80/23), odnosno da saglasnost na ovaj Zapisnik za provođenje daljih aktivnosti u skladu sa odredbama Zakona.

U postupku donošenja ove odluke, posebno su cijenjene činjenice da je komisija, pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije.

Rukovodilac ugovornog organa nije našao razloge, nepravilnosti, niti propuste u radu, koji bi eventualno bili osnova za neprihvatanje preporuke komisije za javne nabavke.

Naime, u postupku je ocijenjeno da je komisija pravilno postupala, te da je preporuka data na osnovu Zakona o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (1) tačka b) i člana 70. stav (1), (4) i (6), odlučeno je kao u dispozitivu ove odluke.

Pouka o pravnom lijeku: Protiv ove odluke može se izjaviti žalba Kancelariji za razmatranje žalbi u roku od 10 dana od dana prijema odluke. Žalba se podnosi putem Ministarstva odbrane Bosne i Hercegovine.

MINISTAR

Zukan Helez

Dostavljeno:

- *BATO PETROL Doboj, tel/fax: 053/250-755; e-mail: sluzbanabavke@batopetrol.com*
- *HIFA PETROL Sarajevo, tel/fax: 033/584-412 i 033/584-389, e-mail: tenderi@hifapetrol.ba*
- *BTG TOMISLAVGRAD, tel/fax: 034/354-202 i 034/352-112, e-mail: btg.tomislavgrad@tel.net.ba*
- *HIFA OIL Tešanj, tel/fax: 032/665-516 i 032/650-667, e-mail: emina.krusko@hifaoil.ba*
- *ALMY doo Zenica, tel/fax: 032/456-346 i 032/456-350, e-mail: tenderi@almy.ba*
- *SUPERPETROL Banja Luka, tel/fax: 051/347-660 i 051/304-892, e-mail: pravna.sluzba@super-petrol.com*
- *ČAVKUNOVIĆ Bihać, tel/fax: 037/315-311 i 037/319-050, e-mail: elvis.hajrulahovic@cavkunovic.ba*
- *kancelariji za odnose sa javnošću MO BiH (objava na Web stranici),*
- *a/a.*